


NA SCHOOL NI VANATABU,  
NA BALU COLLECT,  
MA NA BALU KOKOELIULIVUTI.



---

British Solomon Islands :  
Printed at the Melanesian Mission Press, Hautabu, Guadalcanar.  
1936.

264.03 GEL



MOORE THEOLOGICAL COLLEGE LIBRARY



3 2042 10014958 6

5  
\$10

## NA SCHOOL NI VANATABU.

---

¶ Na Gehegehe—

TANA Ahana na Mama, ma na Dale, ma na Taruna  
te Tabu. Amen.

Nau ku apo marabu pulohiu tana tanotanodika.

*Vaho ge ku taligutia Nimua na malei sukagi,  
Lord.*

Mi Goe, Lord, Ko arovigai.

*Na bosa ni holohabaana God ga.*

Na matadira soko te pitugo, Lord ;

*Ge Ko tutuva gadira vana tana puku ni boni-  
dira.*

Toko vurehigi na limamu ;

*Ma gaira kara nigi mahu na lei totobo te uto.*

A Lord ke kabu itamua ;

*Maia tana tarunamu igoe.*

Igita ka kokoeliulivuti.

Lord, arovigami.

*Christ, arovigami.*

Lord, arovigami.

MAMA ikokou . . tana tanotanodika. Amen.

**G**OD, To nea tana Sacrament te Tabu eni, To vaugilala vanigami *ga* Nimua na vadanitai ilokana ; Ko negai *ge* kai taluutuni kiki nimai na lei toto bo vagiliu te Tabu tana Hulimu ma na Narama, *ge* makai vakalea tana lokamami na mana ni vola ilokana ; To vola itatana na Mama, ma na Taruna te Tabu, God sakai vamua, te taho na kouna. *Amen.*

**L**ORD God, na Taruna te Tabu, Ko mai kaogami, mo Ko vatabua na lokamami, ma *ge* agaia nimami na Lord Jesus Christ ke mai ke, me ke rigi sodoa itamami na malana tai goni di laa vania tua, To vola itatana, maia na Mama, God sakai vamua, te taho *ga* na kouna. *Amen.*

¶ *Me soko ke na Gehegehe ke gagua,*

IGITA ka tuguni tatei vania God na paluda.

¶ *Gaira kara bosa kolua,*

**N**A ku tuguni tatei na lei palugu vania God na Mama, God na Dale, God na Taruna te Tabu, mi tana matadira na lei Angel ma na lei Tabu soko, inau tu hahi tana lei ganaganagu, ma na lei bosagu, ma tana nigua na lei *gehegehe*. Na pukuna kerī nau tu kurutigo God na Mama, na Dale, na Taruna te Tabu geko talukehai vaniu na lei palugu soko, na pukuna Jesus Christ nimami na Lord. *Amen.*



¶ *Na Gehegehe,*

**L**ORD God Puku ni mana, Mama ikokou, To holo gami mai *ge* kai hahana ta nina Vaukolu te Tabu a Lord, *ge* kai ganagana olia nia na Mateana te vagiliu, na pukuna Nimua na dolo te sule. Mi gami te mua ulagamami; igami tai mua sirisiri mata *ge* kai tanomana na vaganiana na gadira na vana rana *gari* ta nimua na bela ni vana. Mi Goe to hologami *ge* ai mai rigigo. Ko apo keha soko nimami na lei *gehegehe* dika itamami, Ko va marabu gami tana nimami na tanotanodika soko. Ahei ke ganagana topoi nina tanohahi? Lord, Ko tarai gami nia *ge* kai tugulio utuni tana matamu. Mi tana bona kai ganagana oligi na lei palumami idania ke, mo ko manani gami kai bei goi kutu *gea*, mi tana *niha* na lei bosamami ma nimami na lei *gehegehe* ke uto tana matamu, nia Jesus Christ nimami na Lord, te mate na pukuna igami me kuti gami haia soo nia na hulina ma na *narana* puku ni tabu *nanata*. *Amen*.

**J**ESUS Puku ni uto, To dutuvigai mai taena igai tovonono tinoni tana Sacrament ni Hulimu ma Naramu, Ko goni dilai na lokamami *ge* kai pitu utunigo, Ko talana vani gami mai na tugulio utuni tana lei palumami tai *gonigi* mai tua, ma na taluutuniana Nimua na huioli tana gai vavala, na lio papara *geke* halai na liomami, ma na puku ni dolo-viamu maia na lei tinoni soko, *ge* kai kaekage na vadatoviamu. Lord, igami te mua ulagamami *ge* Ko hage mai tana valemami, ma mugua *ge* mo ko

bosa lee vaso na bosamu, ma vaho *ge* kai kaekage ma kai tanomana na lavi hageamu tana lokamami.

Lord Jesus, Ko mai sodogami *ge* ko vaa marabu gami ; Lord, ko mai sodogami *ge* ko vaa mavo pulohi gami ; Lord, Ko mai sodogami *ge* ko vaa patu-patu gami. Mo ko negai *ge* mi tana bona takai lavigo tua Ke, mi gami kai bei goi vilivoka tua itamua na pukuna na palumami ; ma *ge* ma kai kabu kasila itamua nia nimua na tinoni, polo kai vuha rigia na matamu ta nimua na kinakabu ikokou ; To vola itatana na Mama ma na Taruna te Tabu, God sakai vamua ke vaa me vaa. *Amen.*

**L**ORD Puku ni mana punusiana na kokou ma na ruruguna, igami na lei tanotanodika tai liona na sukagiamu nia na limana nimua na Priest, na sukagi ni Vanatabu eni na vatei ganagana oliana nia na mateana Jesus Christ, *ge* ke hana na puku ni vatei keri To nea tua sakai vamua tua na neana tana gai vavala ; igami tai liona na nia sukagi na puku na *ge* kai holohabago ma kai bosauto nia ; *ge* kai ganagana olia nia na mateana ma nina na vadanitai ; *ge* kai holoutogo nia ta nimua na lei totobo te vautogai To sonihalavui vani gai mai ; *ge* migami ma na lei tinoni kai tabea na talukeha palu ma na lei totobo ke vautogami me ke hanagami ma na Holuhoru soko, *ge* marahei tara ganara soo kara ruguhoru topoa nimua na togotogo tana mataula ni peo, ma gaira tara mate tua kara nia ahe vata nimua na mabo ma na ganagana dila, ma kara tuguru sodovia nimua na marara kasila ; igami tai kokoeliulivuti vanigo na pukuna Jesus Christ nimami na Lord. *Amen.*

**G**OD Puku ni mana, na Mama, na Dale, ma na  
 Taruna te Tabu, ke vautogamu itaeni ke vaa  
 me vaa. *Amen.*



## NA BALU COLLECT.

---

### NA HULINA JESUS TE MARARA.

August 6.

**G**OD, Igoe to va livu vanira, ivuvunana na gotu tolugaira te vilira tua, *ge* kara tuguni tatea iga na Dalemu sakai vamua, na hulina te keha, na totobo hanu te vagiliu tana tivi te pura lee me dara mata. Ko arovigami mo ko talana vanigami mai *ge* ta kai tanomana na kabu tatavahale tana lei sopa totobo ni maramana eni kara nigi maa na tarunamami mi tananiha igami kai vaevanea na Vunagi Puku ni uto lee. Agaia itamua na Mama maia itatana na Taruna te Tabu te vola me haba, God sakai vamua, na maramana te taho na sokoana. *Amen.*

1 S. John 3. 1-3.

S. Mark 9. 2-7.

### NA AHANA JESUS.

August 7.

**G**OD Puku ni mana, nia na Ahana Dalemu to dolovia Jesus Christ, To nei na lei butuli nia na limadira ra na Hala, maia rana lei Tabu; me baubahu Agaia me gagua, Ahei ke kokoeliulivuti tana Ahana ke, ko ronovia. Ko ronovigami taeni tai kokoe liulivuti vanigo, mo ko mananigi na *gehe-gehemami* ko vavola na tarunamami ma na huli-mami, nia Agaia Jesus a Lord ma na Vavolamami



te vola me haba itamua ma na Taruna te Tabu,  
God sakai vamua te taho na sokoana. *Amen.*

Philippi 2. 1  
S. Mark 16. 15.

### NA GAIVAVALA TE TABU.

September 14.

**M**AMA na Puku ni veiarovi, To dolovi *nanataa* na maramana *geo* lubatia mai na Dalemu to dolovia Jesus Christ *ge* mate tana gaivavala na pukuna igami. Ko negami *ge* kai ganagana mavaa haia na vaugilala eni te tabu, ma kai veitotogoni tana tanotanodika tana vaugilalana Christ eni, igami kai tanomana na saraviana na kinakabuna. Agaia te vola, te haba iga, itamua ma na Taruna te Tabu, God sakai vamua ke vaa me vaa. *Amen.*

Hebrew 12. 1-3.  
S. John 3. 14-17.

### BISHOP PATTESON.

September 20.

**G**OD Puku ni mana, Puku ni maurihali, Igoe to tuguni tatea nimua na mana itadira ra nimua na lei Tabu soko. Ko negami *ge* kai nia vonu na lio ni holouto na pukuna nimua na tinoni ni lutu, puku ni uto, a John Coleridge Patteson, agaia na Bishop te diki tana *gehegehe* eni, ma na martyr itadira *gaira* gua tara mate kolu itatana, na pukuna *gaira* tara tuguni tatego nia na matea dira me *nasiligi* na bosadira nia na *gehegehe* te kaekage iga ; nia Jesus Christ a Lord igami. *Amen.*

Na *Gehegehe* 7. 55.  
S. Matthew 19. 27.

---

## NA VAUKOLU RA NA LEI TINA.

---

**L**ORD, Ko vonugigami nia nimua na Taruna te Tabu *ge* kai taluutuni nasilia a Jesus Christ ma kai dolovia tana tobamami soko. Ko siuvigi na tarunamami nia na *narana* puku ni totobo uto. Ko negami *ge* kai nia sika na tanotanodika *ge* kai vatabua tana lei ganagana ma na lei bosa ma na lei *gehegehe*. Ko hanagami *ge* kai kabu maemane itadira na taumami ma (igami) na lei vaivine kai dolovira ra na dalemami. Ko vautogami ma *gaira* soko tana Vaukolu ra na lei Tina. Ko sonikolugami tana dolo ma na kokoeliulivuti, mo ko tarai-gami *ge* kai naunaura ra na lei dalemami *ge* kara sara ikokou.

Ko kovalaa na Taruna te Tabu ivuvunadira ra na lei taumami ma ra na lei dalemami.

Ko nei na lei valemami *ge* kara vonugia na Mabo ma na Dolo, mi gami kai kabu iani ipari ke ulagamami gua na kabu kolu itamua i Kokou ke vaa me vaa ; na pukuna Jesus Christ. *Amen.*

---

## NA BALU KOKOELIULIVUTI.

---

### Tana Roropo.

LORD, to vola oliu mai tua i boni tu maturu, mo ko goi rigi taoniu gua *geva* tana dani eni ; ke bei topou *gea* siki sosodo, mo ko pilu punusiu me ke kabu tagua a Jesus Christ na Vavolagu. Amen.

### Tana Nulavi.

LORD, vaga Igoe to rigi taoniu *igene*, *ge* u vola topoa mai na nulavi eni, mo Ko goi rigi taoniu gua *geva* ku maturu mi ropo ku goi holoutogo gua, na pukuna Jesus Christ nimami na Lord. Amen.

### Na Vuivuni ni Vana.

LORD, Ko negami *ge* kai bosautogo nia na vana eni to vahegami mai ; na pukuna nimami na Lord Jesus Christ. Amen.

### Na Sosoko ni Vana.

LORD, igami tai bosautogo nia na vana eni, na pukuna nimami na Lord Jesus Christ. Amen.

### Na Hage tana Vale Tabu.

LORD, nau tu mai hage tana Valemua *ge* ku tua-lagi tuturu vanigo tana matamu ; mo Ko talukehai na lei palugu ; na pukuna Jesus Christ na Vavolagu. Amen.



### Na Horu tana Vale Tabu.

LORD, ko rigitaoniu geva ku horu ; me ke rigitaoniu me ke kabu itagua a Jesus Christ te mai hui oliu tua. Amen.

### Na Hanadira na lei Tarai.

GOD Tamagu, ko vautora na lei tinoni to vilira tua *ge* kara taraiu nia na Bosamu. Ko hulira nia na Tarunamu te Tabu *ge* kara taraiu ma nimua na tinoni soko nia na ronorono te uto, mo ko hanau *ge* ku lavi panotia na bosadira ; na pukuna Jesus Christ nimami na Lord. Amen.

### Na Hanadira na lei Gari Pile.

GOD, Mama ikokou, Ko rigi dolovira na lei *gari* pile tana komu eni. Ko lavi tatavahalera tana tanotanodika ; mo ko hanagami *ge* kai tatea na *gehegehe* maemane tana matadira, na pukuna Jesus Christ. Amen.

---



